

Atle Bergseth

postmottak@meland.kommune.no

postmottak@lindas.kommune.no

[postmottak@radoy.kommune.no](mailto:postmottak@radoy.kommune.no)

## Innspel til rullering av idrettsplanar

i Alver kommune (Radøy, Meland og Lindås)

I samband med rullering av idrettsplaner i kommunane Lindås, Meland og Radøy (Alver kommune får 1. jan 2020) ynskjer eg som engasjert privatperson å komme med innspel ang. tilrettelegging for orienteringsidrett; som trim og mosjonsidrett men også som konkurranseidrett. Men utarbeiding av orienteringskart har også andre viktig sider som truleg kan vera av stor samfunnsmessig betydning utover det reint idrettslege.

*Min erfaring etter mange og lange turar i Nordhordland og aktiv innan orienteringsidrett:*

I tillegg til aktiv deltaking i o-løp har eg dei fire, fem siste åra gått nesten overalt i skog og mark i alle typer terreng som fins i Nordhordland, langs stiar og skogsvegar og svært mykje i terrenget utanom stiane. Med tanke på o-idrett er denne delen av terrenget; altså terrenget utanom stiane svært viktig.

Som aktiv o-løper dei 20 siste åra har eg deltatt i meir enn 800 orienteringsløp. Eg har erfaring med landskap, o-terreng frå heile Vestlandskysten, frå Sørlandet, Austlandet og frå mange løp i løp i Skottland og Wales, Sverige, Danmark, Sveits og ikkje minst frå over 100 løp i Latvia der orientering reknast med som nasjonalidrett.

*Samla sett vil eg påstå at det ikkje er nokon annan idrett som har betre naturgjevne føresetnader i Nordhordland enn orientering. Her fins mange titals kvadratkilometer med drøymeterreng og det er svært variert med mange ulike terrengetyper.*

HOK. Hordaland Orienteringskrets blei etablert i 1940. I etterkrigstiden, 50,60 og 70 år var det og store orienteringsløp i Nordhordlandsterrenget. Delar av terrenget vart rekna som svært attraktivt. Verdsmeister Åge Hadler var med på stort løp på tvers av Holsnøy.

Utarbeiding av o-kart kostar bare 40 000 kr/ km<sup>2</sup>. For om lag 27 mill kroner, halvparten av kostnadene til ein idrettshall kan heile landarealet til Alver kommune på 675 km<sup>2</sup> få utarbeid o-kart. I og med at alt terrenget no er laserscanna frå fly har ein høgdekurver med tilnærma nøyaktighet på nokre cm. Dette er altså mogleg.

Synfaring for orientering, - registrering av kulturhistorie.

Utarbeiding av o-kart over ein heil kommune kunne vore eit svært interessant prosjekt; heilt unikt i nasjonal samanheng; og svært nyttig også for andre formål enn orienteringsidrett.

Når ein utarbeider o-kart med synfaring må kartteiknaren «saumfare», «gå opp» reint fysisk nesten «kvar kvadratmeter» av terrenget.

Utmarksterrenget i Alver kommune «skjuler» svært mange detaljer som indirekte fortel kulturhistorie, om utstrakt bruk av landskapet og naturen i farne tider. Fleire hundretals steinløer, torvhus, steingarder; nokre stader deminger i tilknytting til myr, bekker, elver; skogholdt som viktige biotoper for insekter, fuglar, fiskar og dyr i naturen. Skogsbotn og vegetasjon som fortel at her har vore beiteland, evt dyrka mark langt tilbake i tid.

Synfararen som gjer arbeidet med tanke på o-kart vil registrere og merke av på kartet viktige detaljer som kan ha betydning også i kulturhistorisk samanheng, for ivaretaking av kulturhistorie og mangfaldet i naturen.

Med tanke på o-idrett er det sjølv sagt ikkje nødvendig å utarbeid orienteringskart over heile landarealet. Så stor investering trengs ikkje, men tilrettelegging for o-idrett krev meir enn kart over nokre få kvadratkilometer. Når ein skal trene og konkurrere i orientering over tid trengs langt større areal. Innan Alver kommune bør ein plan for utarbeiding av o-kart dekke fleire titalls kvadratkilometer. Alle delar av kommunen bør vera med slik at alle har eit o-kart innan sitt nærmiljø og turområde til læring av det grunnleggjande. Gode o-kart bør finnast i tilknytting til alle skular. For kart som dekkjar inntil 3 km<sup>2</sup> får ein og 50% dekka av statlege spelemidlar.

Orienteringskart har ein utforming som gjer det svært anvendelig for langt meir enn konkurranseorientering. Å kunne lese kart, også o-kart, med høgdekurver og andre viktige detaljer er viktig del av almenutdanning og slik sett av samfunnsmessig investering.

I skulesamanheng er øving og trening med o-kart svært utviklande også med tanke på framtidig utdanning og arbeid. Ulike typer kart blir i dag i utstrakt grad brukt til arealplanlegging. Å vera god i kartlesing vil vera svært nyttig for alle som driv med planlegging som inneber fysiske inngrep i naturen; vegar, bustadområde, næringsparkar, landbruk, skog og naturforvaltning. Også viktig for politikarar og andre som skal ta stilling til planane som t.d. arealplanlegging for mindre og større områder.

Min erfaring i samtale med planleggere og politikarar er at eg ofte langt raskere og meir presist ser korleis ein gitt arealplan vil forme landskapet fordi eg har lang erfaring med det å orientere meg fysisk med kart i terrenget. Orientering bør vera eit svært viktig emne i skulen sjølv om det bare er nokre få som kommer til å drive med orientering som idrett. Altså utarbeiding av o-kart, jamnleg oppdatering og opplæring i kartlesing er ein viktig samfunnsmessig investering.

Håper dette blir vurdert som viktige synspunkt som blir tatt med i rullering av anleggsplaner for idrett i Alver kommune

Mvh

Atle Bergseth

